

տէղ, ոչ դրախտ ունի. այլ դժոխոց կու
 նմանի. զի Եզրիպտոս դժոխք թարգմանի, որ
 է հրահալոց. ոչ միրգ, ոչ ծառոց պտուղ ունի.
 բայց միայն ի ծառոց խիժէ ազգ մի պտուղ լինի 225
 անհամ, ճ մ է դ կոչեն. խիարք ունի փոքր եւ
 անհամ. եւ ձմերուկք անհամ. փոքր սեխ դա-
 տարկամէջ, լի ջրով, անհամ. շաքար խառնեն
 եւ ապա ուտեն. եւ այլ իրք չգտանի, միայն
 բակլա, ոսպ, բրինձ, խուրմա, շաքար խա- 230
 մաչի, մուրտար մեծ մեծ պատինճանք քան
 զձմերուկ, եւ այն անհամ: Անդ միայն եր-
 թաս, երկու-իրեք օր նստիս, էսպապ գնես,
 դառնաս ի տուն, փախչիս: Ջուրն եւ հաւան
 լաւ է: Բայց ցաւ մի կայ ախաի մի, որ ա- 235
 մէնին աչվին խացակէ կարմիր եւ փաած,
 արանց եւ կանանց, տղայոց եւ աղջկանց: Յաւ
 մի այլ կայ փոքր տղայոց. ոնց ծնին՝ ակնջվին
 որդ ընկնի եւ մեռնին. եւ այնու դաւակ չի
 ապրիլ անդ, որպէս Ստամպօլ խիյարուկն: 240
 Երրորդ զի արանց ձուքն ուռած է եւ այտու-
 ցեալ մեծ քան զձմերուկ. եւ ոչ միայն ոմանց,
 այլ ամենեցուն է ցաւն այն, որ կոչի տ է պ է:
 Եւ առին թէ քաղաքս աղ չգտանի. եւ փայտն
 խիստ սուղ է. եւ որ կայ՝ դրամով կու 245
 ծախվի. վասն այն ի կերակուրն լաքար ձգեն,
 որ շուտ եփ կու հասցնէ, ապա զարար է: Իսկ
 աչվին ի թօղից եւ ի շուց շոէն ցաւի. զի անդ
 անձրեւ տարէստնով չի գալ: Եւ շուկանին

238 կա: — 242 ձմերուկ: — 245 արամով: —
 246 ծախի: